

***Cuchilladas*, de Celia Naval Naval**

Accésit en la categoría de poemas

XIII concurso literario Condau de Ribagorza, 2014

Ayuntamientos de Fonz, Estadilla y Graus

CORRUPCIÓN

El cielo se torna royo
y tremolan los picachos,
la tierra quema en los peus,
bulle l'aigua en los pantanos.
Vadeán , per l'aigua turbia
veigo a corderos y mansos,
algunos beben a morro,
otros debantan las manos.
Nacen rabosas y cuervos
que mos esfurrian los gatos.
De tanta pudó y mosquera
se rechira l'estómago.
No queda madero drecho,
ni tellas, ni chuminera.
No ñay ventanas ni puertas,
solo ñay foraus y enruena.
¡Prou de tanta sangonera
y de tanto mamarracho!
O s'en van toz d'estampida
o acabaran a estacazos.

MALA CONCIENCIA

¿Per qué t'en vas?

¿Per qué fuies?

¿Que é lo que t'espanta tanto?

¿Per qué escapas como un lloco

a ciegas, pegan bandazos?.

Marchan así, d'esbandida,

pué que rodes per l'espuenda

y eschelagas y barzals

per to'l cuerpo y per to'l alma

te atravesen de puñals.

¿De qué te sirven los ojos

si no veis ni los basals

que te vas troban al paso?

A más d'esquicha-te tu

mos esquichas a nusatros.

PELEA

No sé que t'os ha pasau

que ez llegau hasta las manos.

¿Que é que t'os ha desquiciau

pa descontrola-t'os tanto?.

Los dos ez perdiu la guerra.

S'ha sucarrimau el lazo

que t'os teniba enganhaus,

apretaus, en un abrazo.

DESENGAÑO

Enchervelida, sola,
con la simiente en fiemo,
caminan per la boira,
con los ojos vacíos
y las orellas sordas.

Con la sangre cuajada
en la carne de vidrio,
embafada de vida,
con el alma chelada,
sola, la troba el día.

Mestizaje de llenguas,
de tierras y de patrias,
de sol y de rosadas
de besos y de pllosos
y de aguas rechiradas.

Per engardaixo ciego,
en tiesto equivocau,
ñai rosa malmetida.
Al chunta-se con otros,
le crecen las espinas.

Afogada y muixada
solo dixu que veigan
charcos de palangana.

Va perfuman el fiemo
y se le ixuga l'alma.

Las manos en las pochás,

en d'on ya solo lleva
agrió, frio y desprecio,
sin anillos ni duelos.
Y miedo...mucho miedo.